



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Extra vnitatem catholicam an sit remissio peccatorum. tit. 198

urn:nbn:de:hbz:466:1-29452

Epist. 166. Propterea nos odiunt Donatista, quia pecculū schismatis eis denunciamus, rogamus & petimus vnitate, vt catholica ecclesiam sese subijciant: sed si dire noluerint, liberamus animas nostras, & vere credere. Sic Iudei, & sic etiā hæretici suam sectam elegerunt, & dicunt esse ecclesiam: sed cū nullum horum sit vniuersale per totum orbem diffusum, sicut ecclesia: ideo hæc sola habet testimonium veteris ecclesie, reliqua nō curantur: tamē sequitur nunc persecutio, spoliatio ecclesiarum, expulsio, &c. sed beati qui persecutionem patiuntur, &c. Matt. 5.

EXTRA VNITATEM CATHO-

licam an sit remissio peccatorum.

TITVLVS CXCVIII.



Vlti carnales hoc tempore dicunt, sicut ficit mihi ad salutē, quia doleo de peccatis, & credo in Christum. Hæc mihi impetrant remissionem peccatorum. Non curo esse intra aut extra Ecclesie vnitatem, vnitas enim hæc ficta est à Papistis.

Primò, videatur de hac re Cyprianus aduersus Nouatianum sectarium. Hoc enim proprium est sectis, quoniam scripturam aut falsificant glossa, aut corrumpunt, extrema scripturæ solū allegantes, sed media & circumstantias non attendunt: docent enim, fides te saluat, sed non explicant, quid ad fidem pertineat, videlicet pœnitentia & charitas, quando sine pœnitentia fides nihil est: ob id Christus iungit simul pœnitentiam & fidem, Marc. 1. Pœnitentini & credite Euangelio. & fides sine charitate nihil prodest, 1. Cor. 13. Gal. 5. omnia illa simul hoc verbum fides comprehendit, &c. Remissio ergo peccatorū non fit sine pœnitentia & charitate, quæ generat vnitatem. Fides ergo sola sine pœnitentia, non impetrat remissionem, nec

nec pœnitentia sine charitate, quæ mater est vnitatis, apprehendit remissionem peccatorum. Igitur extra vnitatem non est remissio peccatorum.

Secundò, sine charitate omnis fides, pœnitentia, opus bonum nihil prodest, 1. Cor. 13. Et qui non diligit fratrem, adhuc in morte est, 1. Ioan. 3. Quantũcunq; ergo sectarius se iactet credere aut pœnitere, nihil tamen prodest absq; charitate: non assequetur neq; vitam æternam, neque remissionem peccatorum: oportet primò deponere labem schismatis & odij, & reconciliari fratri, Matth. 5. subindè offerre munus. Quomodò enim schismaticus rectè pœnitet, durate odio schismatis in corde? Quomodò tibi Deus remittet peccata tua, cum tu non vis reconciliari confratri tuo? nescis quid contigit seruo nequam, Matth. 18? Et quomodò orant quotidie sibi dimitti peccata, Matt. 6. qui sic pergunt in odio schismatici? Ioãnes (1. Ioan. 4.) dicit: Qui dicit se diligere Deum, & fratrem suum odit, &cet. Nisi ergo redieris ad vnitatem & charitatem, nihil proderit omne quod facis, etsi esses angelus aut sanctissimus Prophetarum & hominũ, 1. Cor. 13. Si habuero omnem fidem &c.

Tertiò, quòd obijciunt schismatici, vnitatem esse confictam à Papistis, &cæ. blasphemia est in fidem, in Deum patrem, in Deum filium, in Deum spiritum sanctum, in omnes Prophetas, Apostolos, & doctores, in articulum fidei, Credo vnam Ecclesiam Catholicam, id est, communem congregationem Christianorum. Ecce vnitas: In Deum patrem, Ioan. 1. 4. Deus charitas est: In Christum, Ioã. 13. In hoc cognoscent omnes, quia discipuli mei estis, si dilectionem habueritis &cet. In spiritum sanctum, cuius primus fructus post fidem, est charitas, quæ est mater vnitatis, Gal. 5. In omnes Prophetas & Apostolos docentes charitatem, 1. Cor. 13. In omnia sacramenta, In vnum corpus baptizamur, 1. Corinath. 12. Vnum corpus efficimur in

Eucharistia, 1. Corinth 10. Vno verbo reconciliamur & absoluiur. Omnia cætera sacramenta ad vnitatem promouent. Ideò Ephe. 4. inquit Apostolus. Solum liciti seruare vnitatem in vinculo spiritus: Vnus Deus, vna fides, &c. Non est ergò res fictitia & humana, sed à Deo præcepta & ordinata: Ideò extra illam nihil prodest ad salutem. Nihil à Deo acceptatur, Gal 5. Sectæ regnum Dei non consequentur, &c. Ergo nec habebunt remissionem peccatorum extra vnitatem. Omnia sacramenta habent efficaciam propter vnitatem. At qui illis vitur contra charitatem is nedùm sine fructu accipit, sed etiam peccat, &cætera.

*QVID NOS EXCLUDAT
extra Ecclesiam Catholicam.*

TITVLVS CXCIX.



Notandum primò, quòd extra Ecclesiam non locant, nec hæreticum faciunt & schismaticum opera carnis, quæ recenset Apostolus Gal. 5. 1. Corinth. 6. Ephes. 5. Nam multi qui sunt intra Ecclesiam & Catholici, carnales sunt, & carnaliter viuunt in superbia, luxuria, auaritia, yfura, &cæt. comestatione, ebrietate, & neq; illis proderit, quòd sunt in Ecclesia, nisi pœnituerint. Nam qui talia faciunt, regnum Dei non possidebunt, 1. Corinth. 6. Roman. 8. Si secundùm carnem &c.

Secundò, extra Ecclesiam duo nos excludunt, error vel falsa fides circa sacramenta atque opera, subindè pertinacia & contemptus contra Ecclesiam, id est, nolle audire & obedire Ecclesie. de primo dicitur, Tit. 3. Hæreticum hominem deuota, quia subuersus est, id est, perperam interpretatur scripturam & fidei doctrinam, & proprio iudicio condemnatus est, sicut